



Broj: 05/1-50-13-312-8-3/15  
Sarajevo, 21. 7. 2015.

## ZAPISNIK

### 8. sjednice Nezavisnog odbora

#### Parlamentarne skupštine BiH

Sjednica je održana 21.7.2015., s početkom u 12 sati.

Sjednicu je sazvao Žiko Krunić, predsjednik Nezavisnog odbora.

**PRISUTNI ČLANOVI NEZAVISNOG ODBORA:** Žiko Krunić, predsjednik Nezavisnog odbora, Enes Obralija, prvi zamjenik predsjednika, Mato Jozić, drugi zamjenik predsjednika, Ilma Mehić - Jusufbašić, Nikola Džambas, Mate Miletić, Ljubomir Kuravica, Miroslav Škorić, članovi Nezavisnog odbora.

**OPRAVDANO ODSUTNI:** Adisa Begić, članica.

**OSTALI PRISUTNI:** Ivana Lovrić, koja obavlja poslove sekretara Nezavisnog odbora.

Mirsad Vilić, direktor Direkcije za koordinaciju policijskih tijela BiH.

Sjednicu su pratili i Zoran Žuža iz Sektora za odnose s javnošću Sekretarijata Parlamentarne skupštine BiH, Dijana Šatara, predstavnica OHR-a, Dragana Gluhović, predstavnica Delegacije Evropske unije u BiH, Eric Freabuje, pravni savjetnik Evropske unije, te Sabina Bosović, prevoditeljica.

Predsjednik Nezavisnog odbora Žiko Krunić konstatirao je da postoji kvorum za rad i otvorio 8. sjednicu Nezavisnog odbora Parlamentarne skupštine BiH.

Nakon otvaranja sjednice, predsjednik je uz dopunu pod tačkom 4. predložio sljedeći

## DNEVNI RED

1. Usvajanje Zapisnika 7. sjednice Nezavisnog odbora;
2. Informacija o aktivnostima Direkcije za koordinaciju policijskih tijela BiH u svjetlu aktuelnih sigurnosnih događanja u BiH, posebno u vezi sa sigurnosnim događajem – napadom na predsjednika Vlade Republike Srbije Aleksandra Vučića i njegovu delegaciju na komemorativnom skupu u Potočarima 11.7.2015.;

3. Upoznavanje članova Nezavisnog odbora o dostavljenim dokumentima Kolegiju Predstavničkog doma, Kolegiju Doma naroda i rukovodstvu Zajedničke komisije za odbranu i sigurnost BiH, broj: 05/1-50-13-29-7-7/15, od 17.6.2015., i s odgovorom na poslaničko pitanje Hanke Vajzović;
4. Inicijativa za smjenu Gorana Zupca, direktora Državne agencije za istrage i zaštitu, broj 01-02-2-4092/15, od 19.6.2015., dostavljena od ministra sigurnosti BiH a zaprimljena u Parlamentarnoj skupštini BiH 21.7.2015., broj: 05/1-50-19-1024;
5. Tekuća pitanja.

Dnevni red usvojen je jednoglasno.

#### **Ad.1. Usvajanje Zapisnika 7. sjednice Nezavisnog odbora**

Zapisnik 7. sjednice Nezavisnog odbora usvojen je jednoglasno bez primjedbi.

#### **Ad.2. Informacija o aktivnostima Direkcije za koordinaciju policijskih tijela BiH u svjetlu aktuelnih sigurnosnih događanja u BiH, posebno u vezi sa sigurnosnim događajem – napadom na predsjednika Vlade Republike Srbije Aleksandra Vučića i njegovu delegaciju na komemorativnom skupu u Potočarima 11.7.2015.**

U okviru ove tačke dnevnog reda na sjednicu Nezavisnog odbora pozvan je direktor Direkcije za koordinaciju policijskih tijela BiH Mirsad Vilić kako bi članove Nezavisnog odbora usmeno i detaljno informirao o događajima koji su se desili u Potočarima 11.7.2015. i napadu na predsjednika Vlade Republike Srbije Aleksandra Vučića i njegovu delegaciju.

Nakon izlaganja direktora Direkcije za koordinaciju policijskih tijela BiH otvorena je rasprava u kojoj je učestvovala većina članova Nezavisnog odbora.

Član Nezavisnog odbora Ljubomir Kuravica istakao je da mu je iskreno žao što se desio ovaj događaj, ali misli da je bilo propusta u organizaciji i da će u vezi s tim a u skladu s članom 16. stav 2. Poslovnika o radu Nezavisnog odbora predložiti Nezavisnom odboru smjenu direktora Direkcije za koordinaciju policijskih tijela BiH.

Drugi zamjenik predsjednika Nezavisnog odbora Mato Jozić predložio je da se Nezavisnom odboru dostavi pismena informacija o događajima toga dana kako bi se detaljno upoznali i informirali nakon čega je, sa sedam glasova "za" i jednim "protiv", usvojen

#### **ZAKLJUČAK**

Nastavit će se postupak utvrđivanja činjenica vezano za ovaj događaj uz informaciju koja bude dostavljena Nezavisnom odboru.

#### **Ad.3. Upoznavanje članova Nezavisnog odbora o dostavljenim dokumentima Kolegiju Predstavničkog doma, Kolegiju Doma naroda i rukovodstvu Zajedničke komisije za odbranu i sigurnost BiH, broj: 05/1-50-13-29-7-7/15, od 17.06.2015., i s odgovorom na poslaničko pitanje Hanke Vajzović**

U vezi s ovom tačkom dnevnog reda predsjednik Nezavisnog odbora ukratko je upoznao članove o dokumentima koje je dostavio Kolegiju Predstavničkog doma, Kolegiju Doma naroda i rukovodstvu Zajedničke komisije za odbranu i sigurnost BiH, broj: 05/1-50-13-29-7-7/15, od 17.06.2015., i s odgovorom na poslaničko pitanje Hanke Vajzović

**Ad.4. Inicijativa za smjenu Gorana Zupca, direktora Državne agencije za istrage i zaštitu broj 01-02-2-4092/15, od 19.6.2015., dostavljena od ministra sigurnosti BiH a zaprimljena u Parlamentarnoj skupštini BiH 21.7.2015., broj: 05/1-50-19-1024**

U uvodu u ovu tačku dnevnog reda predsjednik Nezavisnog odbora konstatirao je da je koverta s inicijativom za smjenu Gorana Zupca, direktora Državne agencije za istrage i zaštitu, koja je na ime članova dostavljena od ministra sigurnosti BiH otvorena danas 21.7.2015. i protokolirana u Pisarnici Parlamentarne skupštine BiH s današnjim datumom. Nakon što je predsjednik Nezavisnog odbora otvorio raspravu o ovoj tački dnevnog reda, u njoj je učestvovala većina njegovih članova.

Prijedlog predsjednika i drugog zamjenika Nezavisnog odbora Žike Krunića i Mate Jožića je da se: „hitno u roku od sedam dana zatraži izvještaj Državne agencije za istrage i zaštitu BiH za 2014. godinu kako bi se iz izvještaja procijenila osnovanost ove inicijative i odmah nakon toga da se zakaže sjednica Nezavisnog odbora i donese definitivna odluka o ovom pitanju.

"Za" ovaj prijedlog glasala su tri člana Nezavisnog odbora, te on nije dobio potrebnu većinu.

Prijedlog prvog zamjenika Nezavisnog odbora Enesa Obraliće je: „prihvatiti inicijativu ministra sigurnosti BiH i uputiti prijedlog za smjenu direktora Državne agencije za istrage i zaštitu BiH".

Za ovaj prijedlog glasala su četiri člana Nezavisnog odbora te ni on nije dobio potrebnu većinu.

U sklopu ove tačke dnevnog reda predsjednik Nezavisnog odbora obavijestio je ostale članove da će koristiti svoja ovlaštenja iz Poslovnika o radu Nezavisnog odbora te tražiti Izvještaj o radu Državne agencije za istrage i zaštitu BiH za 2014. godinu nakon čega će u razumnom roku zakazati sjednicu Nezavisnog odbora kad će se ponovo razmatrati Inicijativa ministra sigurnosti BiH i o tome će biti obaviješteni kolegiji oba doma Parlamentarne skupštine BiH.

**Ad. 5. Tekuća pitanja**

U okviru ove tačke dnevnog reda nije bilo rasprave.

Prilog ovom zapisniku je audiozapis sa sjednice (CD x1).

Predsjednik Nezavisnog odbora Žiko Krunić zaključio je sjednicu u 15.40 sati.

**SEKRETAR**  
**NEZAVISNOG ODBORA**  
Ivana Lovrić

**PREDSJEDNIK**  
**NEZAVISNOG ODBORA**  
Žiko Krunić